

SCRIPTA

Numéro Scripta : 1697

Auteur(s) : Guillaume, Ivry-la-Bataille, Notre-Dame et Saint-Pierre (abbé)

Bénéficiaire(s) : Beaumont-le-Roger, Sainte-Trinité, dépendance Le Bec (prieuré)

Genre d'acte : charte

Authenticité : non suspect

Datation : 1262, 7 février

Action juridique : vente

Langue du texte : latin

Analyse

Guillaume, abbé d'Yvry, vend au prieuré, trois arpents et demi de vignes, sur le territoire de Bagneux et de la Merville, entre Vaux et Triel, moyennant 60 livres tournois.

Tableau de la tradition

Éditions principales

a. Deville Étienne, *Cartulaire de l'église de la Sainte-Trinité de Beaumont-le-Roger*, Paris, Champion, 1912, n° XXXIX, p. 38-39.

Texte établi d'après a

Universis ad quos presens scriptum pervenerit, Guillelmus divina permissione monasterii Beate Marie de Ybreio. Ebroicensis dyocesis, minister humilis, totusque ejusdem loci [conventus], salutem in Domino. Universitati vestre notum fieri volumus, quod nos, habito diligenti tractatu inter nos ad invicem in pleno Capitulo nostro pensata necessitate et utilitate monasterii nostri, communi assensu vendidimus, concessimus et omnino dimisimus viris religiosis priori et Conventu Sancte Trinitatis de Bellomonte Rogerii pro sexaginta libris Turonensibus, quas ab eisdem recepimus pre manibus in pecunia numerata, de quibus nos tenemus propagatis, confitentes dictam pecuniam in utilitatem prefati monasterii nostri veraciter et totaliter fuisse conversam, tria arpenta vinearum et dimidium, vel citra, quas habeamus in Francia, sitas inter villas de Vallibus et de Trelio, in territoriis de Baigneus et de Mareille, tenendas et habendas et jure hereditario perpetuo possidendas vineas predictas prefatis religiosis et eorum successoribus bene et in pace, plenario et integre, libere et quiete absque ulla de cetero nostri vel successorum nostrorum reclamazione seu impedimento, salvo jure et reddito capitalium duorum. Tenemur eciam nos et successores nostri bona fide vineas predictas religiosis supradictis garantizare et liberare contra omnes, et eosdem super hiis indempnes conservare, nos et monasterium nostrum predictum ad hec specialiter et fideliter obligantes ; renunciantes in hac parte pro nobis et successoribus nostris et monasterio nostro predicto exceptioni non numerate, pecunie, non tradite, non solute et omnimode alii exceptioni juris et facti nobis seu monasterio nostro competenti aut competitore, et specialiter et expresse beneficio et auxilio restitutionis in integrum et omni alii beneficio et auxilio utriusque juris, et facti, et omnimodo privilegio sive litteris apostolicis impetratis et impetrandis, necnon omnibus et singulis generaliter et specialiter, que nobis et successoribus nostris prodesse possent in hac parte, et dictis religiosis obesse per que posset dictus contractus enervari aut alias in irritum revocari. In cujus rei testimonium, et ut omnia et singula robor obtineant perpetue firmitatis presens scriptum sigillorum nostrorum munimine fecimus confirmari. Actum in capitulo nostro, anno Domini M° CC° sexagesimo secundo, mente februario, in crastino sanctorum Vedasti et Amandi.